

太常因革禮

太常因革禮卷第二十三

總例二十三

輿服三

輿服三

國朝會要黃麾古有黃朱纁三色所以指麾也漢鹵簿前有黃麾護駕御史今制絳帛爲之如幡錯采成黃麾宇下編交龍朱漆竿金龍首上垂朱綠小蓋 幡本幟也貌幡幡然有告止傳教信幡皆絳帛錯采爲字上有朱綠小蓋四角垂羅文佩繫龍頭竿上其錯采字下告止爲雙鳳傳教爲雙白虎信幡爲龍又有絳引幡制頗同此作五色間暈無字兩角垂佩 御刀晉宋以來有之黑鞘金華銀飾

靴口紫絲條紛錯又儀刀制同此悉以銀飾王公亦給之
班劍本漢朝服帶劍晉以木代之亦曰象劍取裝飾班
闈之義鞞以黃質紫班文金銅飾紫絲條紛錯 戟有枝
兵也木爲刃赤質畫雲氣上垂交龍掌五色帶帶末綴銅
鈴又鈹戟無掌而有小橫木鈹揜也制有挿車傍又小戟
與鈹戟同 稍長矛也木刃黑質畫雲氣又有細稍制同
而差小 儀鎧鉞屬也秦漢有之唐用爲儀仗刻木如斧
塗以青柄以黃上綴小錦幡五色帶及戟之類及無刃
而短黑飾兩末又青飾兩末並青中白畫雲氣各綴朱絲
拂髦本緝鳥毛爲之唐有六色孔雀大小鵝毛之制今爲
四角小蓋每角垂珠佩間以朱綠周綴五色帶繡雲龍孔

雀白鵝有三色之別繫龍頭竿竿制如戟 檠弩漢京尹

司隸前驅持弩以射窺者今制每弩加箭二有靛畫雲氣

仗內弩 弓箭每弓加箭二有靛同檠弩 盾刀本容刀

也盾旁排也一人分持刀以木爲之無鞘有鏤紫絲縑紛

錯盾赤質畫異獸及朱藤絡盾制悉同唯綠藤 皆執持之

甲騎具裝甲人鎧也具裝馬鎧也甲以布爲裏黃純表

之青綠畫爲甲文紅錦綠青純爲下裙絳韋爲絡金銅鈇

長短至膝膺前爲人面二自背連膺纏以紅錦滕蛇具裝

如常馬甲加珂拂於前膺及後鞞 車輻棒也形如車輪

輻今制朱漆八稜白幹鎗稍也唐羽林所執制同稍而鉄

刃上綴朱絲 拂柯舒黑漆棒也制同車輻以金銅釘飾

鐙杖黑漆弩柄也以金銅爲鐙及飾其末紫絲條系之
七寶牀一覆以緋羅繡帕內臣馬上捧之謂之駕頭緋羅
繡扇二緋羅繡曲蓋一並內臣馬上執之謂之扇篋駕頭
在細仗前扇篋在乘輿後大駕法駕鸞駕常出並用之
鳴鞭唐及五代有之周官條狼氏執鞭趨辟之遺法也內
侍二人執之鞭梢用紅絲而漬以蠟行幸則前騎而鳴之
大祀禮畢還宮亦用焉視朝宴會則用於殿廷 毳杖塗
金銀裏以供奉官騎執之分在右前導大禮用百人華脚
幘頭紫繡襖袍襖常出三十人公服皆騎導 御馬鞍勒
有金玉水晶金塗四等鬮裝鞞鞞促結爲坐龍碾銀鏤塵
沙面平面窪面方圍寸節卷荷校具皆垂六梢金銀裏鞞

鞞銜銙朱黃絲條轡鞞緋黃織縷或素圍鞞襪襪用金銀
綫織或緋黃縹鞞用紫竹紅黃絲鞞以紅黃鞞牛尾金
爲鈇每日馬五疋供奉鞞用玉及金塗襪襪皆素舊皆織成帕太
宗時改行幸則十四疋真金水晶之飾馬珂銅面鵬翎鼻
拂琴胸上綴銅杏葉紅絲拂又胸前及腹下皆有琴綴銅
鈴後有跋塵錦包尾鹵簿中金吾衛將軍導駕者皆有之

天子之制

通禮衮冕鷩冕毳冕絺冕元冕皆垂白珠十二旒黻纁充
耳玉簪導元衣纁裳十二章白紗中單革帶玉鈎釵大帶
鹿盧玉具鈎火珠鏤首白玉雙佩元組雙大綬六采元黃
朱襪烏加金飾 國朝會要衮冕廣尺二寸長二尺四寸

前後十二旒二纓并貫真珠又有翠旒十二碧鳳銜之在
珠旒外冕板以龍鱗錦表上綴玉爲七星旁施琥珀珩犀
各二十四周綴金絲網鈿以真珠雜寶玉架紫雲白鶴錦
裏四柱飾以七寶紅綾裏金飾玉簪導紅絲條組帶立亦
謂之平天冠袞龍服青色日月星山龍雉虎雖七章紅裙
藻火粉米黼黻五章紅蔽膝升龍二並織成間以雲朵飾
以金鈿花細窠裝以真珠琥珀雜寶玉紅羅襦裙繡五章
青褙襖裾六采綬一小綬三結玉環三素大帶朱裏青羅
四神帶二繡四神盤結綬帶色並同袞服白羅中單青羅抹帶紅
羅勒白鹿盧玉具鈿玉標首鈿白玉雙佩金飾貫真珠金
龍鳳革帶紅襪赤舄金鈿花四神玉鼻祭天地宗廟饗玉

清昭應宮景靈宮受冊尊號元日受朝冊皇太子則服之
通天冠二十四梁犀簪導紅絲組帶金釵花鈿以珠寶施
博山附蟬絳紗袍以織成龍紅金條紗爲之紅裏皂裸襪
裙白羅中單蔽膝以紅紗紅羅裏花錦如紅羅裙紅紗裏白
羅方心曲領黹大祭祀致齋出乘玉輅入乘金輅正冬
大會五月朔受朝則服之衮服通天冠絳紗袍舊制並內
中尚少府監主之 禮閣新編建隆元年二月九日太常
禮院狀申准勅追尊四廟者皇帝御崇元殿命使行冊寶
受朝之禮衮龍服一副五月一日御殿受文武百寮朝通
天冠絳紗袍一副狀請下內中尚司少府監牒請具衮龍
衣絳紗袍通天冠令式制度垂服製造者准令式製冕垂

白珠十有二旒以組爲纓色如其綬黻纁充耳玉簪導元

衣纁裳十二章

八章在裳在衣日月星辰山龍華蟲火宗彙四章在裳藻粉米黼黻衣襟領如上下爲升龍

爲之

山龍以下每章一行重以爲等每章行十二白紗

中單黼領青標襖裙黼膝如龍三章革帶玉鈎鈹大帶朱帶

以純其外上以朱下以綠紅約用組鹿盧玉具鈿大珠鏤首白玉雙佩元組

雙大綬六彩元黃赤白纁綠純元質長二丈四尺五百首

廣一尺

小雙綬長二尺六寸色同大綬而首半之間施三玉環

朱襪赤舄加金飾通

天冠加金博山附蟬十二首施朱翠黑介憤髮纓翠綾玉

犀簪導絲紗袍白紗中單朱領標襖裙白襦絳紗蔽膝

白假帶方心曲領其帶鈕佩綬與上同白襪黑舄三禮

圖二年太子詹事尹拙議衮冕令下君臣合畫充耳天子

黻纁諸臣青纁工部尚書實儀議曰謹按周禮弁師掌主
之五冕皆元冕朱裏延紐五采纁十有二就皆五采玉十
有二玉笄朱紘諸侯之纁旒九就璿玉三采其餘如王之
事纁旒皆就玉璜玉笄注侯當作公字之誤其餘延紐皆
元覆朱裏與王同也玉璜塞耳者疏云王不言玉璜於此
言之者王與諸侯互見爲義是以王言元冕朱裏延紐及
朱紘明諸侯亦有之諸公言玉璜明王亦有之是其互有
也詳此經注疏之文則是本有充耳今請令君臣袞冕已
下並畫充耳以合正文 禮閣新編淳化二年十月九日
禮院檢討翼善冠制度及所用衣服申上者一按開元禮
儀注皇帝服凡衣服之制三代已降損益不同今據衣服

令及開元禮皇帝之冕服十有三焉一大裘二衮冕三鷩冕四毳冕五繡冕六元冕七通天冠八武弁冠九弁服冠十黑介幘十一白紗帽十二平巾幘十三翼善冠又云翼善冠其常服白練裙襦通著若服袴褶則與平巾幘通著一按衣服令翼善冠其常服及白練裙襦通著之若服袴褶則與平巾幘通著一按開寶義纂云翼善冠先儒未詳所服說者云明有善行以冠表德也一按通典云翼善冠大唐正觀中朔望視朝常服之又與平巾幘通用注云太宗初服翼善冠賜貴臣進德冠因謂侍臣曰幘頭起於周武帝蓋取便於軍容耳今四海無虞此冠頗採古法兼類幘頭乃宜常服至開元十七年廢而不用乾元元年十月

知司天臺事韓穎奏五官正奉勅創製其官職配五方上
稽五緯臣請冠上加一星□衣從本方正色每至正冬朔
望朝會及諸大禮即服以朝見仍望永爲定式勅依今檢
仿古今制度伏乞依稟施行詔可

太常因革禮卷第二十四

總例二十四

輿服四

輿服四

禮閣新編咸平五年大理寺丞李坦奏臣聞禮行於郊而百神受職焉禮行於社而百貨可極焉是故禮者治國之柄服者飾神之儀歷代成規後王不易臣昨蒙差郊壇下助祭竊見助祭之官所服六冕衣裳畫繡之等多不依古制又慮後來增減不同然臣案孝經云非先王法服不敢服今來法服顯有殊異况臣常講禮書聞冕冠本於軒皇玉帛始於虞氏夏商革命損益可知文武重光典章斯備

案尚書皋陶云予欲觀古人之象日月星辰山龍華蟲作
會宗彝藻火粉米黼黻絺繡此十二章也六章畫於衣象
天也六章繡於裳象地也夏商無文至周三辰畫於旌旗
惟九章在於衣裳之上周有六冕按司服云王祭昊天上
帝則大裘而冕祭五帝亦如之享先王則衮冕享先公則
鷩冕祀四望山川則毳冕祭社稷五祀則絺冕祭羣小祀
則元冕鄭司農云大裘羔裘也所以知爲羔裘祭天尚質
故用之象天色也衮冕之旒天子十二旒升龍於山升火
於宗彝若上公則九旒自山龍而下九章侯伯鷩冕七旒
自華蟲而下七章子男即毳冕五旒自宗彝而下五章孤
卿即絺冕三旒三章無畫皆繡凡奇數在衣偶數在裳今

具六冕祭服異同事件乞行改正詔太常禮院詳定聞奏
禮院具檢討如後伏緣冕旒之制度繡畫之等差歷代以
來屢有沿革若循古制須議酌中改作之間安敢輕議一
周六冕若元上纁下元上法天纁下法地兼前後邃延今
覩冕板上下之色皆用元青亦邃延一失也今檢詳郊祀
錄皇帝祀天地神祇則服大裘冕按三禮義宗云祭天所
以用大裘者是羊羔裘也黑者象天色元大者擬覆幬垂
蓋故服大裘以祀天也冕者勉也所以勉人爲高行凡六
冕之服皆元上纁下冕既大同無以爲別故不謂冕爲服
但取畫章之異以爲立名故用服名冕一六冕之旒數若
大裘冕即無旒若衮冕天子十有二旒前後邃延上公即

九旒每旒五采就爲之每一寸安一玉玉皆五色朱白蒼黃元諸侯卽三采夏商朱綠皆周而復始十二旒旒各一尺二寸用玉一百八十八若上公九旒用玉百六十二今覩旒玉純用一色其數不與昔同是二失也今檢詳凡享廟謁廟及遣上將征還飲至則服衮冕按衮冕而下服名冕者皆是畫衣章之首衮冕所以祭先王者爲服以龍爲首龍德神異應時潛見象王者有神異之德也其冕垂白珠十有二旒以組爲色如其綬玉藻云天子玉藻十二旒前後邃延龍衮以祭鄭元云冕之旒以藻紉貫玉爲飾因以名也十有二就每一就貫一玉就間相去一寸則旒長尺二寸垂齊眉也五采者依射侯之次從上而下初以

朱次以白以蒼次以黃次以元以五采玉既貫徧周而復
始此並周制也至漢明帝用曹褒之說皆白璇珠與古異
也魏文帝好婦人飾改珊瑚珠至晉江左又改漢制今用
白珠之制自漢始焉大戴記曰冕而加旒以蔽明也隋牛
宏云請以采綬貫珠爲旒後只言五采一周禮衮冕九章
升龍於山升火於宗彝以五章畫於衣一曰龍二曰山三
曰華蟲四曰火五曰宗彝今衣上不見宗彝又剩一藻文
也下四章繡於裳上六曰藻七曰粉米八曰黼九曰黻今
又無藻文餘三章亦不繡繡是三失也今檢詳義纂云周
禮衮冕九章尚就置於山謂之龍衮鄭元謂衮者卷也龍
能變化舒卷因以名焉以五采繡紉貫玉前後各十二旒

用玉二百八十八也秦除古制皆服約元漢明帝始采舊法紫白玉珠爲旒以組爲纓黼纁充耳元衣纁裳十二章自日月星龍山華蟲火宗彝八章畫之於衣粉米黼黻四章繡之於裳織成爲之標領皆升龍焉唐制白紗爲中衣以蔽爲領舄加金飾入廟踐阼加元服納后元日受朝及臨軒冊拜公王則服之是承漢禮也又周禮天子衮冕十有二旒十有二就就貫一玉就間相去一寸則旒長尺二寸各用十二玉也又按郊祀錄云其服元衣纁裳十二章按易云黃帝堯舜垂衣裳而天下治蓋取諸乾坤韓康伯注云上衣下裳取乾坤之相有上下也釋名上服曰衣衣者依也下服曰裳裳者障也所以障蔽也夫衣用元者象

天色也。裳用纁者法地色也。不法蒼黃之色者，凡衣裳悉明其身有章彩，文物以蒼黃太質，故用元纁者，是朱之小別。故周禮鍾氏云：三入爲纁。鄭注士冠禮云：朱則四人是與纁同類也。十二章者，法天之數。虞帝之服也。聖朝之制舜服也。日月星辰龍山華蟲火宗彛，此八章在衣藻粉米黼黻，此四章在裳衣襟領，爲升龍皆織成爲之。按三禮義宗：日月星辰三章直畫，作其形，欲明王者有光照之功，垂於下土。山亦畫山形，取其能興雲雨膏潤萬物象王者之澤沾於下也。龍亦直畫龍形，取其變化無方或潛或見，適顯王者之德。卷舒有時，應機布道。華蟲者畫作鸞雉之體，有文飾，故謂之華象。其雉身被五色，有炳蔚之姿，似王

者體合五常兼文明之性宗彛者畫虎雖於宗廟之器爲
飾因而名之象虎雖以剛猛制物王者亦以威武定亂也
藻畫其形藻能逐水上下似王者之德日新也火粉米亦
直畫其形粉潔白故以名之米者人恃之以生王者亦物
之所賴以理也黼畫斧形象王者能斷割臨事能決之也
黻者兩已相背明民見善改惡也此皆聖人法象之意周
則畫九章又登龍於山登火於宗彛尊其神明故也按古
禮皆衣畫裳繡法陰陽之義衣數則奇裳數則偶今聖朝
制令上八下四皆以偶而言又王服自袞冕已下皆織成
爲之是王者相變也龍山以下每章一行以爲等每行十
二按禮圖凡章文參錯滿衣裳而已不拘其數崔靈思云

各畫十二焉亦取則天之九數一鷩冕七章畫三章於衣
繡四章於裳鷩冕五章畫三章於衣繡二章於裳緹冕上
下皆繡黼黻而已今等級不同是四失也檢詳郊祀錄鷩
冕八旒其服七章華蟲火宗彝此三章在衣藻粉米黼黻
此四章在裳按三禮義宗云雉言鷩者以爲獸鳥體卑義
不足取故文采章著者以爲稱也祭先公者鷩冕以雉爲
首雉有專介之志象先公有賢才能守節度也故左傳云
聖達節次守節餘同衮冕鷩冕七旒其服五章宗彝藻粉
米三章在衣黼黻二章在裳按三禮義宗云凡章服之中
唯有龍雉虎雉並是禽獸龍能變化其體可尊故不隱其
名鷩及虎雉嫌其體卑故沒其正體所以龍雉各自爲章

虎雉各爲一章者龍爲神化雉爲文明神化文明理皆是陽雖虎山林之獸義皆是陰故龍雉各一而成章虎雉合兩而爲體於陰陽之義也以毳冕祭四望者四望是五嶽四瀆之神虎雉是山林所生故服以明象也然周禮之祭服止於六冕所祭之神其類甚多但使禮通便皆同用虎雖非水物山川氣通故俱用毳冕明有同氣之禮餘同鷩冕繡冕六旒其服三章粉米一章在衣黼黻二章在裳按三禮義宗云粉米一章刺於衣黼黻二章繡於裳也祭社稷五祀者繡冕以粉米爲首社稷者土穀之神此米由之而成故服之以象其功也五祀者古之五官之神能平五官之政皆有水土之功故亦同服也所以獨水刺者凡畫

績之法以衆色而成一色則不足以成畫故宜直刺而已
又此服是臣服之首不畫衣以下於君示無陽之義也今
皆織成焉是名存而制異也餘同毳冕元冕五旒其衣無
章唯裳刺黼一章按三禮義宗云祭羣小祀本百物之神
其形難可徧擬故但取兩已相背以明其異餘同繡冕一
鞞鞞未依制度按玉藻云下廣一尺上廣一尺又明堂位
云有虞氏之鞞夏后氏以山商人以火周人以龍章注云
天子備焉諸侯火而下卿大夫以山士黼常而已今別畫
粉米黼鞞是五失也今檢詳義纂鞞鞞何殊禮云鞞君朱
大夫素士爵韋上廣一尺下廣二尺其頸五寸肩革帶博
二寸頸中夾肩兩角皆上接革帶以繫之肩與革帶其廣

同矣皆執事者徹其裳前示恭謹也於朝服謂之韠於冕服謂之蔽膝朝祭異名其實一也又按五禮精義問蔽膝對曰皆從裳色三品已上山火二章四品一章五品無章玉藻云韠君朱大夫素士爵韋鄭元云此元端服之韠象裳色則天子諸侯元端朱裳大夫素裳唯士元裳黃裳雜裳也若祭服皆元上纁下故云一命緼黻再命已上赤黻也又臣覲大帶制度玉藻云天子素帶朱裏終辟諸侯素帶終辟大夫素帶辟垂士練帶率下辟今覲等級不當是六失也今檢詳義纂云大帶何施禮云天子素帶朱裏終辟纁約用組鄭元云裨緣飾也以素爲帶以朱爲裏純其外者上以朱下以綠則帶身在腰及垂皆飾之是以謂之

終禪其制博四寸紐帶之交結處也約結其帶也執事者以黼散裳前視恭敬之道也天子之敬以半直方四角無圍殺上濶一尺象天數一也下濶二尺象地數二也長三尺象三才也唐禮以繒爲之朱質畫龍山火三章爲飾以備三代之法也臣今檢按古今沿革在前伏乞特行改正詔付有司依李坦并禮院檢討名件制度改正務合先王禮意 封禪記大中祥符元年詳定所言按六典天子之服冕一曰大裘冕無旒冕以黑羊皮爲之祀天地神祇則服二曰衮冕垂白珠十有二旒元衣纁裳十二章享廟謁廟及告廟則服今參詳封禪祭天地准典禮皇帝服大裘又緣南郊合祭天地只服衮冕欲望封禪日依南郊例服

衮冕行禮上曰前王服羔裘鹿裘以尚質也今有衮冕之制可從之 眞宗實錄大中祥符六年詳定所言將來朝拜聖像於行殿皇帝服衮冕准月令孟夏初衣暑服孟冬始裘今尚書庫衮冕蓋每歲仲冬親郊祀園邱所服皆是夾衣今盛暑之際望依冕服制度改用單衣詔可 禮院例冊景祐二年八月二十七日勅令入內侍省御藥院與禮院同共依詳典故製造冠冕令稍減珍華務從簡約仍先具圖進呈續奉勅通天冠絳紗袍更不修製外平天冠天板元濶一尺二寸長二尺四寸今制造廣八寸長一尺六寸減翠旒并鳳子前後使二十四旒珠並合典制天板頂上元是織成龍麟錦爲表紫雲白鶴錦爲裏今製進

使青羅爲表彩畫出龍麟紅羅爲裏彩畫出紫雲白鶴所
有上面犀瓶子琥珀瓶子各二十四個今減不用金絲結
網子上舊別有金絲結龍八條今減四條亦減金絲令細
天板四面花墜子依舊只令減輕製冠身並天柱元是織
成龍麟錦今用青雜彩畫出龍麟金輪等七寶元造真玉
碾成今更不用如稍空却以雲龍細窠分梳玉鈞二枚今
減不用天河帶組帶□□帶依舊只減輕織造納言元使
王製造今來使青羅彩畫出龍麟錦依舊金稜上面稜道
依舊使金即舊減輕製造薙玉替袞服八章日月星山龍
華蟲火宗葵青羅身紅羅襖繡造所有雲子相度稀稠補
空削造更不用細窠亦不使真珠裝綴中單依舊皂白製

造裙用紅羅繡出藻粉米黼黻周回花樣仍舊繡出減稀
製造蔽膝用紅羅繡升龍二條雲于補空減稀繡造周回
依舊細窠不用六綵綾依舊減絲造所有玉環亦減輕造
帶頭金葉減去却用銷金製造四神帶更不用劍佩梁帶
襪烏並依舊 禮院儀注至和三年九月一日翰林侍讀
學士王洙奏皇帝法服冕旒形度重大華飾稍繁伏緣將
來恭謝大禮在近欲望特命儒臣參稽典禮別加詳定令
合古制詔送禮院檢詳古今典禮制度闕送御藥院取旨
製造禮院奏今將古今制度參詳到冠冕并圖畫在前如
允所奏乞降製造 禮院參詳文字今亡

太常因革禮卷第二十四

太常因革禮卷第二十五

總例二十五

輿服五

后妃之制

皇太子之制

羣臣之制上

后妃之制

通禮不著后妃車輅之制國朝會要皇太后皇太后車輦唐制六等一曰重翟二曰厭翟三曰翟車四曰安車五曰四望車六曰金根車皇朝鹵簿唯用厭翟車其制箱上有平盤四角曲欄兩壁紗牕龜文金鳳翅前有虛橫香爐香寶緋繡憶衣絡帶門簾三轅鳳首畫梯推竿行馬緋繒綦索駕六馬金銅面纓轡鈴褱緋屣駕士三十人武弁緋繡衫

常出止用正副金塗銀裝白藤輿各一上覆椽欄屋飾以鳳輦官服同乘輿平頭輦之類制咸平中萬安太后輿上設行龍六制飾率有加焉 禮院例冊乾興元年九月禮儀院奏準詔製造皇太后御座檐子令詳定制度所稱名目今乞以大安輦爲名詔可 通禮禕衣素紗中單蔽膝大帶以青衣革帶青襪烏白玉雙佩元組雙大綬受冊親蠶朝會諸大事則服之鞠衣黃羅爲衣其蔽膝大帶及衣革帶烏並隨衣色飾與禕衣同惟無翟親蠶則服之釵鈿裏衣十二鈿服通用雜色制與上同加雙佩小綬加履宴見賓客則服之國朝會要皇后之服唐制有三等一曰禕衣朝會服之二曰鞠衣親蠶服之三曰禮衣宴見服之皇

朝存其名常服龍鳳珠翠冠霞帔 禮閣新編建隆元年

八月二十六日太常禮院狀準勅製造皇太后冊寶法物

等謹具條例如左玉冊一副并匣屨鐐沿冊法物等中書

省與內中尚司計會修製綜寶綬并盃屨鐐鎗泐寶法物

等門下省內中尚司計會修製禕衣一副十二株花釵行

障三扇坐障三扇團扇二柄方扇十柄輦一座繡六柱二

扇尚宮二人各一人引冊讀冊承令宣尚儀二人各一人押冊

引聖帝尚服一人引寶案讀寶其行事尚宮已下並戴髮

禮衣司言司贊司賓典贊並戴髮皆禕衣司記司寶舉案

者並常服自禕衣已下並內中尚司修製詔可 禮院例

冊天聖元年十二月詔曰皇太后總理軍國真宗皇帝禕

除在近其令禮官檢詳禮衣制度以聞禮官言皇太后服
與皇后同禮首飾花十二株並花如大花之禕衣素紗中

單蔽膝大帶以青衣草帶青襪烏白玉雙佩元組雙大綬

受冊親蠶朝會諸大事則服之又按隋朝后服四等其四

曰朱衣以緋羅爲之宴見賓客則服之今參詳朝謁聖容

及乘輦則服朱衣如蔽膝草帶大帶珮綬金飾履並隨

衣色如常視事則亦服朱衣用大帶綬金飾履或去綬只

去蔽膝草帶珮襪或服鞠衣用黃羅爲之大帶綬金飾履

其首飾則依花十二株制度詔可 國朝會要明道二年

皇太后恭謝宗廟禮官議禮衣請準皇帝衮服減二章衣

去宗彝裳去藻不用劍九龍十二株花釵冠前後垂珠翠

各十二旒以袞衣爲名曰儀大冠又言皇太后赴太廟乘玉輅服禕衣九龍花釵冠行禮服袞衣儀大冠皇太妃皇后乘重翟車服鈿釵禮衣爲之蔽膝革帶珮綬履其冠用十二株花釵太廟行禮並服禕衣詔可

皇太子之制

通禮不著皇太子車輅之制國朝會要皇太子車輅唐制三等一曰金輅二曰軺車三曰四望車至道初眞宗爲皇太子謁太廟乘金輅常朝則乘馬天禧中仁宗爲皇太子亦同此制通禮不著皇太子之服國朝會要皇太子之服袞冕青羅表緋羅紅綾裏塗金銀釵花飾犀簪導紅絲組前後九旒三纒貫水晶珠青羅衣繡山龍雉火虎惟五

章紅羅裳繡藻粉米黼黻四章紅羅蔽膝繡山火二章白
紗中單青標襖草帶塗金銀鈎釵瑜玉雙佩四彩織成綬
結二玉鬋金塗銀釵花飾青羅抹帶紅羅勒帛玉具劍金
塗銀釵玉標首白羅襪朱紅履金塗銀釵從祀則服之遠
遊冠十八梁青羅金塗銀釵玉標犀簪導紅絲組傳出朱
明服紅花金條紗衣紅裏皂襪襪紗紅裳紅紗蔽膝並紅
紗裏白花羅中單皂標襪白羅方心曲領白羅襪黑烏草
帶釵佩綬釵同抹帶勒帛受冊謁廟朝會則服之 禮閣
新編至道元年十月二十五日太常禮院狀來年二月南
郊准禮例皇太子侍從皇帝充亞獻行禮所有合着祭祀
服色伏乞下少府監修製仍開陳古今制度者裏冕垂白

珠九旒以組爲纓色如其綬青纓充耳犀簪導元衣纁裳
服九章每章一行重以爲等每行九五章在衣山龍華蟲
火宗彛四章在裳藻粉米黼黻皆織爲之白紗中單黼領
青標襖裙革帶金鈎釧大帶素帶不朱裏亦純以朱緣鈎
紐約口組蔽隨裳色火山二章玉具鈕金寶爲飾玉鏤首
瑜玉雙佩朱組雙大綬四采赤白縹紺純朱質長一丈八
尺三百二十首廣九寸小雙綬長二尺六寸色同大綬而
首半之間施二玉鬢朱襪赤舄舄加金飾侍從皇帝祭祀
及謁廟加元服納妃則服之詔令文思院依禮院所申製
造 禮閣新編至道二年冊命皇太子禮官上言周禮天
子執瑱圭公執桓圭無太子執圭之文所謂公者三恪及

上公也。晉書：太子出會在三恪之下，三公之上，請定制。皇太子服遠遊冠，朱明衣，執桓圭，以受冊。朝會謁廟亦如之。宴坐在王公上，詔可。

羣臣之制上

通禮無羣臣車輅之制。國朝會要：羣臣車輅，唐制有四：一曰象輅，親王及一品乘之；二曰革輅，二品、三品乘之；三曰木輅，四品乘之；四曰輅車，五品乘之。皇朝親王一品、二品奉使及葬，並絡革輅，制同乘輿之副。惟改龍飾爲螭，六引內三品以上乘革車，赤質，制如進賢車，無案，駕四赤馬，駕士二十五人，其緋幟衣絡帶，旗戟綢杠，繡文。司徒以瑞馬，京牧以隼，御史大夫以獬豸，兵部尚書以虎，太常卿以鳳。

寫士衣 縣令乘軺車黑質兩壁紗牕一轅金銅飾紫幪衣

絡帶並繡雉瑞草駕二馬駕士十八人百官常朝皆乘馬

禮閣新編大中祥符四年七月知樞密院王欽若奏王

公車輅不得與南郊車輅一庫收附竊緣王公車輅上並

用龍飾臣欲乞下有司檢定制度將見管車輅更改修製

度尊賤等差永爲定式尋詔禮院詳定聞奏者禮官奏檢

詳禮例鹵簿令王公已下輅象輅以象飾諸末朱班輪八

駕在爵建旂旂畫一一右載闈戟草輅以革飾諸末左建

旌通錦餘同象輅木輅以漆飾之餘同革輅輶車曲壁青

通幪碧裏諸輅皆朱質朱蓋朱旂禮一品九旒三品七旒

四品六旒其鞶纓就數皆准此院司檢詳王公車輅制度

如前欲乞下太僕寺依此修製詔可 通禮衮冕青珠九

旒以組爲纓青纁充耳角替導青衣纁裳服九章白紗中

單草帶鈎髀大帶金玉飾釵山元玉珮綠纁綬朱襪赤舄

一品服之鷩冕八旒服七章水蒼玉珮紫綬金飾釵餘同

衮冕二品服之毳冕七旒服五章水蒼玉珮紫綬金飾釵

餘同衮冕三品服之絺冕六旒服三章水蒼玉珮青綬金

飾釵餘同衮冕四品服之元冕五旒無章裳刺蔽膝一章

水蒼玉珮黑綬金飾釵餘同衮冕五品服之爵弁色同爵

無旒元纓替導青衣纁裳白紗中單革帶鈎髀大帶爵襪

赤履九品已上服之凡冕服及爵弁助祭及親迎則服之

國朝會要下所載司王公已下冠服唐制有衮冕九旒鷩冕

八旒毳冕七旒締冕六旒元冕五旒爵弁朝服六服袴褶
弁服皇朝省八旒冕六旒弁服九旒冕有二其一塗金銀
花額犀玳瑁簪導青羅衣繡山龍雉火虎雉五章緋羅裳
繡藻粉米黼黻四章緋蔽膝繡山火二章白花羅中單玉
裝釵珮革帶暈錦綬二玉環緋白羅大帶緋羅襪履親王
中書門下奉祀則服之其一九旒冕無額花元衣纁裳悉
畫小白綾中單師子錦綬二銀環餘同上三公奉祀則服
之七旒冕犀角簪導衣畫虎雉粉米三章裳畫黼黻二章
銀裝佩革帶餘同九旒冕九卿奉祀則服之五旒冕無章
銅佩釵革帶餘同七旒冕青羅爲衣裳四品五品爲獻官
則服之六品以下無劍佩綬紫羅衣朱裳羅爲之皂大綾

綬銅劔佩御史博士服之平冕無旒青衣纁裳無劔佩綬
餘同五旒冕太祝奉禮服之五梁冠塗金銀花額犀玳瑁
簪導立筆緋羅袍白花羅中單緋羅裙緋羅蔽膝並皂襪
襖緋白羅大帶白羅方心曲領玉劔佩銀草帶暈錦綾二
玉環白綾襪皂皮履一品侍祠朝會則服之中書門下則
冠加籠巾貂蟬籠巾編藤漆之塗金銀飾玳瑁蟬一金蟬
六銜玉三梁冠犀角簪導白中單銀劔佩師子錦綾銀環
餘同五梁冠諸司三品御史臺四品兩省五品侍祠朝會
則服之御史大夫中丞則冠有獬豸角兩梁冠犀角簪導
銅劔佩練鵲錦綬銅環餘同三梁冠四品侍祠朝會服之
六品以下無中單無劔佩綬御史則冠有獬豸角衣有中

單袴褶白羅方心曲領本品冠導駕則騎而服之 禮閣
新編建隆四年八月宰相范質與禮官議導駕官服袴褶
衣制度所起先儒並無其說惟開元禮五品已上通用細
綾及羅六品已下服小綾褶衣之色隨本品綾色注褶衣
即複衣也又按諸王朱綾四采赤黃縹紺赤即朱也以純
朱爲地更次第輕入黃白青汁內染之共爲四采亦謂之
朱褶一品綠綾綾四采綠紫黃赤綾即綠也是草之綠色
以純綠爲地亦謂之綠綾褶二品三品紫綾三采紫黃朱
謂之紫褶其衣身領袖袂請依今制又按令文武弁金飾
平巾幘簪導紫褶白袴玉梁珠寶鈿帶驛騎馬服之金飾
即金附蟬也詳此即是二品三品所配弁之制也附蟬之

數蓋一品九蟬二品八三品七四品六五品五又令文武
弁平巾幘侍中中書令散騎加貂蟬侍左者左珥侍右者
右珥又闕元雜禮導駕官並朱衣冠履衣本品此朱衣今
朝服也然自一品至三品並用八四之朱爲衣乃叶上下
之文異絳繪之色又令文三品以上紫褶五品以上緋褶
七品以上綠褶九品以上碧褶並白大口袴起梁帶烏皮
鞋竊詳籠冠平巾幘與武弁大冠其名雖殊本是一物製
同而飾別蓋以官品爲差其幘亦戴在籠冠下今請造袴
褶如令文之制其起梁帶形製檢尋未是望以革帶代之
詔可是歲造成導駕官袴褶而未用至乾德六年郊祀始
服焉而冠未造乃取朝服中進賢冠大帶襪履參用焉

太常因革禮卷第二十五

太常因革禮卷第二十六

總例二十六

輿服六

輿服六

禮閣新編建隆四年九月宰相范質言三公祭服舊皆畫升龍請令禮官檢詳按三禮三公毳冕無龍章上公衮冕二品鷩冕又周禮言上公衮九旒以五采繩貫五采珠旒長九寸每寸以珠玉璣其衣元色五章山龍華蟲火宗彝畫於衣其裳朱色四章藻粉米黼黻繡於裳又按今文旒並貫青色珠青纁其珠及充纁今請依今文服色之制詔從之遂改製焉又令博士檢緋衲褶制度按開元禮武士

陪立大仗加膝蛇柄襜如袖無身以覆其膊音蓋掖下縫也從肩領覆臂膊共一尺二寸又按釋文玉篇相傳云其一當身其一當背謂之襜襜今詳襜襜之制其領連所覆膊音膊其一當左膊其一當右膊故謂之覆膊今請兼存兩說擇而用之是歲造兩襜遂用當胸當背□之制禮

閣新編乾德四年八月十四日禮院準勅修制朝服祭服

者一朝服準令文白紗中單上有皂標領襪凡襪皆隨緣色方飾下緣

也中單皆有襪舊只用白素小綾今宜依令文添皂標領襪準令

文一品已下五品已上並有劍佩綬舊一品已下至三品

並有劍佩綬四品已下悉無宜依令文添四品五品劍佩

綬一祭服準令文白紗中單上有青標襪舊是白素小綾

宜令並用青領襖準令文一品裙四章在裳藻粉米黼黻
今據舊制只畫粉米黼黻宜令依令文增用藻詔下朝服
祭服宜依前項製造餘並依舊施行 禮閣新編是月太
常禮院狀檢討三品四品祭服大袖蔽膝制度如左一祭
服蔽膝準令文字毳冕已上山火二章繡冕山一章元冕
無章一三品祭服大袖準令文宗彝藻粉米三章在衣黼
黻二章在裳一四品祭服大袖準令文粉米一章在衣黼
黻二章在裳詔一品三品四品祭服內章數元未有合令
文者並依禮院檢定令文製造所有緩止依舊儀 禮閣
新編大中祥符元年七月二十二日禮院言朝服法物庫
所掌臣寮祭服法物今三司見製造準典禮衮冕之制黜

衣纁裳今得少府監修製官狀稱自來製造皇帝袞冕及諸臣祭服並一色以青爲衣以茜爲裳參詳蓋是染人不
知各有制度今乞指麾染院將來變染諸臣祭服計會禮
儀院修製官依舊指畫出染淺深各有儀度庶幾不失先
王禮制詔可 太常新禮康定二年十月少府監奏每大
禮朝服法物庫申差本監旌節專副往定百官品位支給
朝服今朝班內有官卑品高及官高品卑者難爲臨時參
定或恐差舛有違典禮乞下禮院詳定百官朝服等第令
朝服法物庫依官品支給詔禮院參酌舊制申明云準衣
服令五梁冠犀簪導珥筆朱衣朱裳白羅中單並皂褙襖
方心曲領大帶革帶蔽膝纁裳 玉裝劍玉佩錦綬間施二

玉環白襪烏皮鞋一品二品侍祠大朝會則服之中書門
下則加籠巾貂蟬準官品令一品尚書令太師太傅太保
太尉司徒司空太子太師太傅太保二品中書令侍中左
右僕射太子少師少傅少保諸州府牧左右金吾衛上將
軍又準閤門儀制以中書令侍中同中書門下平章事爲
宰臣親王樞密使留守節度使京尹兼中書令侍中同中
書門下平章事爲使相樞密使知樞密院事參知政事樞
密副使同知樞密院事宣徽南北院使簽書樞密院事並
在東宮三師之上以前品爲執事請準上條給朝服宰臣
使相則加籠巾貂蟬其散官勳爵不繫品位止從正官
餘此品又準衣服令三梁冠犀簪導無中單銀釵佩銀環同

五品 諸司三品御史臺四品兩省五品

下塚又存尚書省三品

品四品東宮三品四品疑文關今合於兩省五品

下添入尚書省東宮四品七字則與下文義足

侍祠大

朝會則服之

近制並有中軍

御史中丞則冠獬豸准官品令諸司

三品諸衛上將軍六軍統軍諸大將軍神武龍武大將軍

太常宗正卿秘書監光祿衛尉太僕大理鴻臚司農太府

卿國子祭酒殿中少府將作司天監諸衛將軍神武龍武

將軍下都督三京府尹五大都督府長史親王傅御史臺

三品四品御史大夫御史中丞兩省三品四品五品左右

散騎常侍門下中書侍郎諫議大夫給事中中書舍人尚

書省三品四品六尚書左右丞諸行侍郎東宮三品四品

太子賓客太子詹事太子左右庶子太子少詹事太子左

右諭德又準閣門儀制節度使文明殿學士資政殿大學士三司使翰林學士承旨翰林學士資政殿學士端明殿學士翰林侍讀學士侍講學士龍圖閣學士樞密直學士龍圖閣直學士並次中書侍郎節度觀察留後並次諸行侍郎知制誥龍圖天章閣侍制度支使並次中書舍人內客省使次太府卿客省使次將作監引進作使防禦團練三司副使並次左右庶子以前品位職事請準上條給朝服又準衣服令兩梁冠銅劍佩環梁餘冠同三四品五品侍祠大朝會則服之六品則去劍佩綬御史則冠獬豸衣有中單準官品令諸司四品太常宗正少卿秘書少監光祿寺七等少卿國子司業殿中少府將作司天少監三京府少

尹太子率更令太子家令太子僕太子諸衛率府率太子諸衛率府副率諸軍衛中郎將諸王府長史司馬大都督府左右司馬內侍尚書省五品左右司諸行郎中諸司五品國子博士五經博士太子中允太子左右贊善大夫都水使者開封祥符河南洛陽宋城縣令太子中舍洗馬內常侍太常宗正秘書殿中丞著作郎殿中省五尚奉御大理正諸王支諸軍衛郎將諸王府諮議參軍司天五官正太史令內給事諸行朝官六品已下起居郎起居舍人侍御史尚書省諸行員外郎殿中侍御史左右司諫左右正言監察御史太常博士通事舍人又準閭門儀制四方館使次七寺少卿諸州刺史次太子僕

謂正任不
帶仗職者

東西上閭

門使次司天少監客省引進閣門副使並次諸行員外郎
以前品位職事據令文但言四品五品亦不分班序上下
今請自尚書省五品以上及諸州刺史以上準上條給朝
服其諸司五品以上實有官高品卑及品高官卑者合自
諸司五品國子博士至內給事並依六品以下例去劍佩
綬近制並有中單御史則冠獬豸衣有中單其諸司使以下至閣
門祇候如有攝事合請朝服者並同六品詔可 禮院例

冊景祐三年十月御史臺言準詔皇親諸司使以下除西
班官一百三十餘員並隸本臺班簿凡侍祀大朝會大將
軍至副率令依本品朝服宜下有司製造詔禮官檢詳典
故禮官言準令乘輿服并皇太子服並云絳紗袍諸臣服

即言絳紗單衣並合以單羅爲之其見在朝服有裏者並謂除去之及冠服非儀並合改正 太常新禮慶歷三年博士余靖言周禮司服之職掌王之吉服大裘而冕無旒以祀昊天上帝祀五帝亦如之衮冕十有二旒其服十有二章以享先王鷩冕九旒其服七章以享先公亦以享射毳冕七旒其服五章以祀四望山川絺冕五旒其服三章以祭社稷五祀元冕三旒其服無章以祭羣小祀此皆天子親行祀事所服冕服悉因所祀鬼神大小以爲制度今大祀中祀所遣獻官並用上公九旒九章冕服以爲初獻其餘公卿亦皆七旒冕服餘無等降小祀則公服行事不合舊典臣愚以爲宜詳酌周禮因所祭鬼神以定獻官冕

服制度下禮官議曰據周禮王者冕服有六自昊天至祭
羣小祀皆王者親祠所服聖朝之制唯皇帝親祀郊廟及
朝會大禮服衮冕外餘冕皆不設其每歲常祀大祀中祀
違官行事攝公則服一品九旒冕攝卿則服三品七旒冕
自從品制定服即不以祀之大小爲等差至於小祀獻官
舊以公服行事則有違典禮按衣服令五旒冕衣裳無章
皂綾綬同裝劍佩四品已下爲獻官則服之今小祀獻官
既不攝公卿則盡屬四品已下當有祭服欲乞除公卿祭
服依舊從太品外小祀所遣獻官並依令文祭祀行事若
非時告祭用香幣禮器行事之處亦皆准此詔可尋詔自
今非時告禮若天地宗廟社稷所差官並攝太尉 禮院

例冊皇祐四年禮院奏謹按禮曰繡黼丹朱中衣大夫之
僭禮也注云此言諸侯之禮繡讀爲綃綃繒名也繡黼丹
朱以爲中衣領緣也疏云黼刺繒爲黼文也丹朱赤色染
繒爲赤色也中衣謂以素爲冕服之裏衣猶今中單衣也
又晉詩云素衣朱襮正義曰釋器云黼領謂之襮孫炎曰
繡刺黼文以禋領是襮爲領也中衣者朝服祭服之裏衣
也其制如深衣故禮記深衣云深衣連衣裳而純之以采
者有表則謂之中衣又魯詩云素衣朱綃綃爲綺屬然則
綃是繒綺別名於此綃上刺爲黼文故謂之綃黼也綃上
刺黼以爲衣領然後名之爲襮故爾雅云黼領謂之襮襮
爲領之別名也開元禮天子服衮冕元衣纁裳白紗中單

羣官服袞冕青衣纁裳白紗中單今參詳古者服之中衣以素爲之以朱爲領刺以黼文故禮記云纁黼丹朱中衣詩云素衣朱褌是也今之祭服既有中單又別爲裏非也然則中單之制宜用繒素而朱丹領緣領刺以黑白黼文可也禮云大夫之僭禮則諸侯之服也今五等祭服宜依此制詔可 禮院例冊皇祐四年六月禮院邵必奏臣嘗因祀祭伏見監祭使監禮官各冠五旒冕衣裳無章色以紫擅臣詳求古禮並無此服按周禮六冕之制凡有旒者衣裳皆有章上下之相應也惟大裘冕無旒衣裳無章一命大夫之冕無旒衣裳亦無章今監祭監禮所服冕五旒侯伯之冕也而衣無章深所不稱又色以紫擅益無經據

故昨禮院所議止欲從五等最下子男之服臣再詳監祭於周禮祭僕之職掌眡祭祀糾百官之戒具誅其不恭者至漢始以御史監祀唐乃有監祭使之名且祭僕中士也御史執法官也又監禮則奉常博士之職其官與品則又差降皆所以監視察舉其不如禮者考其本末既非祠官必也正名則御史博士爾而服用五等且非所宜况又有梳無章服色非古此爲失禮甚矣臣竊觀國家南郊大禮太常卿止服朝服前導皇帝若亞獻終獻及壇陞獻官乃服以祭服明太常卿非祠官而服朝服禮也又按唐開元禮朝服凡侍祀朝饗拜表大事則服之臣欲乞今後監祭使冠獬豸監禮官冠進賢各服以侍祠祭爲得其當庶幾

威時典禮不至差繆詔不允

太常因革禮卷第二十六

太常因革禮卷第二十七

總例二十七

鹵簿上

鹵簿上

通禮鹵簿有三等大駕法駕小駕大駕六引法駕三引小駕二引鹵簿記云國朝自定通禮之後禮容大備每大祀命大禮禮儀仗鹵簿橋道頓遞等五使鹵簿使專掌定字圖排列儀仗使糾督之大禮及餘使同案閱致齋日祀伏又命殿前大校管勾捧日奉宸隊侍衛大校勾當儀仗兵隊捧日兵武廂主四人編排捧日奉宸隊及執仗人諸司使副三員同押儀仗別二員編排導駕官凡車輅太僕

寺主之輦輿織扇御馬殿中省主之纛稍十六騎引駕細
仗牙門金吾主之槍杖六軍主之六引諸隊大角五牛旗
兵部主之寶案門下省主之鐘漏司天臺主之鼓吹太常
鼓吹局主之旗器名物衣冠幘蓋錦繡等飾出於朝服法
物庫甲弩弓箭出於軍器庫戎裝器仗出於內弓箭庫唯
六引導駕太僕卿千牛將軍殿中侍御史司天監僚佐局
官乘輿令大將軍金吾上將軍將軍六統軍並京朝官諸
司使副已下攝事其仗內悉以禁軍諸班直捧日天武拱
聖神勇宣武駙騎駙勝寧朔虎翼充大將軍將軍以軍主
都虞侯攝事中郎將郎將都尉以指揮使副指揮使攝事
校尉主帥旅帥隊正以軍使副兵馬使都頭副都頭十將

攝事法駕減太常卿司徒兵部尚書白鷺車崇德車大輦
五副輅進賢車明遠車又減屬車四餘並三分減一鑿馮
一名小駕又減縣令州牧御史大夫指南車記里車鷹旗
車皮軒車象輅革輅木輅耕根車羊車黃鉞車豹尾車屬
車小輦小輿餘並減半 又云玉兔旗二分左右建隆二
年知鄆州姚光輔獻白兔二壽州節度使王審珂又獻下
蔡民喬裕所獲白兔一故作玉兔旗 又云馴象旗二分
左右三年有象至安復黃三州開寶初又有象至京城門
外羣臣表賀以爲國家當旒有南海之兆未幾平廣南故
制此旗 又云四年將行郊禮思復容物之盛宰臣范質
爲大禮使承詔與鹵簿使張昭儀仗使劉溫叟討閱大駕

之制時官籍散落舊史多物故惟得後唐鹵簿字圖校以
令文頗多疎畧質等遂補綴闕漏詳定新本上之又增造
五輅副車復殿中輦輿備用六引本品鹵簿又增置旗名
凡馬步儀仗共一萬一千二百二十二人悉用禁卒 又
云大輦主輦七十一人五代輦制不存是年陶穀立意創
造大輦祀還及鑿駕黃麾仗皆御之 又云鹵簿甲騎具
裝久亡其制是年宰相范質以問禮儀使陶穀曰梁正明
五年河內尹張全義獻人具裝甲三百副馬具裝二百副
穀嘗見而記之其人甲以布爲裏黃絁表之青綠畫爲甲
文紅錦綠青絁爲下裙絳韋爲絡金銅鈇長短至膝前脣
爲人面二自背連脣纏以錦膝地馬具裝如常馬甲但加

珂拂於前層及後鞞爾質卽令有司如其說造以給用
又云是年禮院準少府監牒製造法物內方傘並衣請具
大小式樣隨報令檢禮文傘卽繳也按五禮精義云繳卽
大蓋也諸禮文說有大蓋有曲蓋左氏說有直蓋有高蓋
皆是傘之別名疏引風俗通解云禦雨則張油禦暑則張
帛方圓雖異尺度則同請依圓扇徑寸尺度修製 又云
乘輿有安車立車本漢制也徐廣曰立乘曰高車坐乘曰
安車乾德元年八月改爲進賢車駕四馬駕士二十四人
赤質如革車緋輪衣絡帶門簾並繡鳳上設朱漆床香案
紫綾衣一轅駕士衣繡瑞麟 又云晉輿服志中朝大駕
鹵簿御四望車駕牛中道是年改爲明遠車駕四馬駕士

四十人制如屋撮頂頂上有金龍四角垂銅鐸上層四面垂簾下層周以花版三轅駕士衣繡對鳳 又云鳴鞭二中道騎重行五代有其制而禮令無文是年用之蓋秦漢警蹕之義也 又云金甲長人二人分左右是年諸州獻長人隸寬衣天武視朝則守殿門行幸則前導 又云辟惡車秦制桃弧葦矢以備不祥是年詔可 崇德車 又云開寶元年有象自嶺南來至都城外獲之太祖命嶺南人教養後吳越國廣南交州繼獻五象自是嶺表常獻以備大駕先驅之用 又云是年將郊祀命太子中允高易從太子洗馬高致用同判太僕寺俾繕修車輅自是命內臣於本司同掌修飾之事 又云天武官三百人中道分

左右爲四行五代禁軍號控鶴年多者號寬衣控鶴衣寬衣給事殿廷二年改控鶴爲天武分左右廂寬衣控鶴爲天武散手後又改爲寬衣天武 又云碧欄二十四人騎分左右爲十二重六年詔內侍省及殿中省細仗內先衣黃者今並令衣碧自唐以來本衣黃故也 又云織制圓國初京城內獨親王得用太平興國九年詔宰相樞密使始用織其後近臣及內命婦出入皆用 又云耕根車駕六馬駕士四十人制如玉輅舊駕以四馬端拱元年親耕籍田有司定儀皇帝乘玉輅以耕根車載耒耜先驅俄又請改載於象輅以重其事仍駕六馬蓋車制重大故也 又云是年供奉官百人執毳杖騎中道分左右爲五十重

不足則殿直充後置左右侍禁在殿直上駕出則三十人
公服執毬杖遇郊祀則前導服小窠繡雜花 又云咸平
二年南郊樞密副使宣徽使皆攝官導駕遂令與諸王分
東西前導自後中書門下樞密院雖不攝事亦與親王及
觀察使以上導駕其鸞駕黃麾仗則親王中書門下樞密
院宣徽使三司使副學士舍人龍圖閣學士侍制節度使
留後觀察並導駕 又云國初擘壺正專司辰刻置館於
文德殿門內之東偏設鼓樓鐘樓於殿堦之左右其制有
銅壺水秤渴烏漏箭時牌鼓器之屬壺以貯水烏以引注
秤以平其漏箭以識其刻牌以告時於晝契以發鼓於夜
常以卯正後一刻爲禁門開鑰之節盈八刻後以爲辰時

每時皆然以至於酉每一時直官進牌奏時正雜人引唱擊鼓十五聲惟子正擊鼓一百五十聲又殿前聲時雜人唱引唐朝舊詞五代止唱和音四年司天監請復用舊詞遂詔兩制詳正付之習唱每大禮御殿登樓入閣內宴晝改時夜改更則用之常時改刻改點則不用凡齋宿則設鼓鉦於警場內每更點又有左右金吾喝探知探相應

又云大中祥符元年以將東封詔令減車輦之制御輦院上新輦凡減七百餘斤詔自今常用之又有道遙輦以椽擱爲屋平頭輦飾如道遙而無屋並常出所御七寶牀一覆以緋羅繡帕內臣馬上捧之謂之駕頭緋羅繡扇二緋羅繡曲蓋一並內臣馬上執之謂之扇篋駕頭在細仗前

扇篔在乘輿後大駕法駕鑿駕並用之而宇圓不載別有
省方道遙輦加窓隔黃繒爲裏登封輦如平頭輦而施闔
鉞並東封賜名涼車駕以索駝巡幸校獵乃用並屬御輦
院 又云五年詔織制除宗室外悉禁出入乘用六年復
許中書樞密院用焉京城外則庶官通用 又云鼓吹令
鼓吹部有六州十二時導引降仙臺四曲是年凡赴祀所
還宮乃奏導引曲 又云天禧二年詔導駕官各令借騎
驥馬及教駮兵 又云指南車記里車自五代至皇朝皆
車中令人轉之天聖五年工部郎中直昭文館燕肅創意
製造以獻詔送太僕寺充用每駕則二匠隨之推轉輪轄
又云記里車所以識道里也車上爲二重皆有木人行

一里下一層擊鼓行十里上一層擊鐘晉中朝大駕鹵簿
有之皇朝有其車每行必須人發機始能擊是年入內殿
直廬道隆請改造其制箱上爲兩層各安木人手執木槌
輪經圓與指南車同中平輪轉一周車行一里木人擊鼓
上平輪轉一周車行十里木人擊燭車行充鹵簿之用

又云朱圓扇舊繡鳳及雜花景祐五年增用盤龍 黃鉞
車崔豹古今注曰金鉞黃鉞也三代通用今以黃鉞爲乘
輿天寶元年改金鉞國朝改黃鉞車駕二馬駕士十五人
赤質無蓋中設金鉞錦囊網杠駕士衣繡對鵝左武衛隊
正一人在車內執鉞武弁緋繡瑞鷹形 又云後部黃麾
仗舊仗內第一第五部服以緋第二第六部服以青第三

部服以皂第四部服以黃是年改第一部以黃第二部以銀褐第三部第六部以皂第四部以青第五部以緋又云金吾將軍執鞞稍或在鹵簿之先或在鹵簿之後是年依唐李綽歲時記所制鞞稍八爲二重又云是年重制六引用雜花鄣風扇又云是年詔修飾儀仗法物令太常禮院詳閱典故有未合舊禮者多所釐正旣成陳於宣德門內上御大慶殿門召近臣同觀今羽儀軍衛方之近古得爲詳備

太常因革禮卷第二十七

太常因革禮卷第二十八

總例二十八

鹵簿下

鹵簿下

國朝會要凡在鹵簿三等之外又有兵部黃麾仗用太常鼓吹部太僕寺金玉輅殿中省大輦其制無定然減于小駕皇帝御樓車駕親征或省方還京太廟上冊五嶽上冊皆用之建隆四年八月南郊儀仗使劉溫叟言臣於兵部取到唐明宗朝儀仗字圖導駕用三引諸司法物人數極多周太祖用六引其數差少今請用六引其鹵簿準近例不給又定兵部儀仗五千一百人太常寺鼓吹儀仗八百

五十人太僕寺車輅四百八十人殿中省儀仗二百六人
司天監法物二十一人左右金吾街繫繫鼓及唱探二百
五十人左右金吾仗執皂纛纛稍等六百七十六人六軍
執旗槍等五百五十二人宮苑司六人詔可十八日南郊
禮儀使陶穀又言按禮令大駕車駕三十六乘今太僕寺
見管止二十八乘玉輅等二十五乘安車四望車辟惡車
三乘本寺見令修飾餘所闕白鷺車一草車一屬車六又
令文舊有副車近代停廢望並下有司製造又金吾將軍
左右十二衛將軍引駕押仗自來只着紫衣今請依開元
禮各服本色繡袍金吾以辟邪為文左右衛以瑞馬駢衛
以彫虎威衛以赤豹武衛以瑞鷹領軍衛以白澤監門衛

以師子千牛衛以犀牛六軍以孔雀並下所司修製又儀仗內所着五色畫衣自來止據人數合散不許參雜既法五行各依其序望依五行相生之色為次以黑為先青赤次之黃白又次之詔並可 又云九月南郊大禮使范質言大駕儀仗除執持法物外馬步兵隊計百八十五隊用騎軍大將軍將軍六人郎將都尉九十人騎軍四千四百四十六人步軍將軍二十人郎將都尉八十二人校尉四人主帥二百九十八人並騎步人六千二百七十六人詔馬步兵隊以上軍充其大將軍將軍以軍主都虞候充如不足即通用指揮使其中郎將都尉以指揮使副指揮使充如不足即通用軍使都頭其校尉及主帥以軍使副兵

馬使都頭十將已下充 又云乾德六年十一月詔節度使已下除在京巡檢及押儀仗外並令衣袴褶衣導駕又云太平興國九年六月宰相以東封在近導駕儀衛合取進止太宗曰此行蓋爲告謝天地與蒼生祈福廣陳儀衛卽是勞擾非朕意也鹵簿但一如令式用之 又云是年有司上言開寶中郊祀引駕馴象在儀仗六引前今凡十象行列次序宜有定式詔鹵簿使依開寶故事 又云咸平五年十月詔南郊儀仗遣宮苑使康仁寶內園使李神祐於御路分左右編排引駕官不得多帶從人止以見在官爲例俟至青城於御營四面巡警仍給弓劍器械又云十一月詔南郊引駕官中書樞密院一行在東親王

一行在西餘官依次 又云大中祥符元年九月詔定儀仗內導駕官從人之數親王輔臣宣徽三司使四人學士尚書丞郎節度使三人給諫知制誥大卿監三司副使樞密承旨客省閤門使副金吾大將軍押仗鳴珂內殿崇班已上二人餘皆一人仍命內衣庫副使兼閤門通事舍人焦守節西京左藏庫副使趙守倫左右巡察之鹵簿使上言鑿駕儀仗合使人馬兵部員察三人騎步卒五百五十六人職掌五人騎太僕寺牽駕步卒百九十四人職掌五人騎輅馬二十六匹殿中省員察二人騎步八十九人職掌十人騎六軍司員察六人騎步卒四百二十五人排列官六人左右金吾仗員察二人騎步九十七人帶金甲天

武官一人職掌二十九人騎司天監員寮一人騎步卒三十二人職掌四人騎太常寺馬軍樂官三百人職掌二十五人騎詔並以殿前司天武神勇等軍充之 又云三年八月詳定所言告太廟祀后土並用法駕車駕出京還京初至及雜祀所行營半程往還兩京並用鸞駕詔可又言車駕經西京合用儀仗其留司太僕寺見管車輅法物望令留守留臺先次修飾又朝覲壇仗衛清令諸司比御殿例於法物駕內量取戟槊旂幡等陳設又幸汾陰用三引內寶鼎令河中尹望令太僕別造車上題榜詔並可 又云八年五月駕赴玉清宮奉上聖號用鑿駕儀仗舊儀仗用二千一百二十二人詔特派及三千人 又云景祐五

年重制定柴戟爲王公以下前騎之用長丈六尺鉞戟準此小戟差減焉 又云舊制稍六十人分左右爲三十重是年以短長不齊重制定長一丈八尺細稍差小焉 又云是年天章閣待制賈昌朝上言三事一事南郊鹵簿車駕出宮詣郊廟日令執毬仗供奉官於導駕官前分列迎引至於齊宮切以毬仗非古蓋唐世尚之以爲玩樂其執者皆褻服錦繡珠玉競爲侈麗既不足以昭文物又不可以壯軍容常時豫遊或宜施用方今夙夜齋戒親奉大祀端冕容昂鼓吹不作而乃陳戲賞之具參簪紳之列導迎法駕入於祀宮稽諸典儀未爲允稱伏况導駕官自有兩省員數悉備不煩更有此色供奉官在前迎引臣欲乞今

以後乘輿出詣郊廟日權令徹去毳仗候禮畢還宮鼓吹振作卽依常式排列所配齋宿之儀無至慢瀆二事言大駕鹵簿有羊車前列者臣按羊車本漢晉之代乘於後宮隋大業中增金寶之飾駕以小車馭以非童自是以來遂爲法從唐制兼有輦車副車之名國朝因循尚未改革伏以郊祭天地廟見祖宗車服所陳動心由禮至如四望耕根之屬兼包歷代皆有因豈後宮所乘參陪五路臣欲望今後大駕鹵簿內不用羊車倘施禁中自有前制所冀肅恭齋饗稽合典儀三事言南郊大祀鹵簿儀衛甚衆有司雖依典禮名物次第兵仗數目預先分布及五使量行按閱其被差執掌吏員兵件素不閑習行列先後多失次

序所持名物亦或差互押當官但以行事爲名亦或失其處守臣竊謂三載親郊國之大事旁陳象物仰法乾行四方之人觀禮於是宜詳制度以顯光華臣欲乞今後大駕鹵簿前後仗衛次第於致齋前命儀仗鹵簿使令有司執簿籍率押當官員人吏暨諸衛諸省執仗兵士爲將領者自殿門至郊廟分定行列之處詳視先後次序及器仗名品無令差忒嚴戒押當官執事人吏等不得輒離位處所冀闡朝家稽古之法示聖人饗地之能如允所奏伏乞付外施行詔送禮儀使宋綬與太常禮院同詳定聞奏綬等參詳鹵簿內有諸司供奉蓋資備物以奉乘輿今昌朝所奏以宿齋之時不可陳玩樂之具欲望郊祀前一日應供

奉官等令宿於幕次候皇帝行禮降壇導引至青城由青城前引歸大內又按後漢劉熙釋名曰羸車羊車各以所駕名之也隋書禮儀志曰漢氏或以人牽或駕果下馬此乃漢代已有晉武偶取乘於後宮非特爲掖庭制也况歷代載於輿服志自唐至今著之禮令欲望且依舊陳列其鹵簿儀仗每遇南郊前五使欲行點閱素隊各認地分今乞更以昌朝所奏下儀仗鹵簿使至時更切點檢務令整肅詔可及皇祐二年明堂禮官上言執毬使臣當於前祀一日宿右昇龍門外幕次以俟禮畢奏引有詔不許入宿令候肆赦排立於樓前 太祖實錄乾德六年平蜀命右拾遺孫逢吉收偽蜀法物其不中度者悉毀去 又云是

年太祖御殿親閱鹵簿四年詔令仗內衣服舊用絹布采畫者悉以綜絲純繡文代之 又云開寶四年十一月親祀南郊上以乾德已來修製鹵簿至此而畢及郊廟用之謂之繡衣鹵簿軍衛羽儀自是寢盛 禮閣新編景德二年南郊鹵簿使王欽若奏今郊禮俯近而鄆王出殯仗間所用儀仗物色逐司欲供以南郊法物夫吉凶異道不可相干今王公已下受誓戒者其詞皆曰不恭爾事國有常刑求其所謂蓋不得弔喪問疾不決罰不覩穢惡之事也弔問猶且不可而况衣服器物而可雜用手伏乞令鄆王殯禮供以別仗詔可 又云九月上封者言國家郊祀有期仗衛中司天十二神輿行漏殿中省芳亭鳳輦等舊制

太重望減制稍輕真宗特命鹵簿使王欽若內侍同詳閱修飾又云大中祥符元年詳定所奏將來告廟封祀太山據開寶通禮合出大駕鹵簿又按唐書元宗封禪用法駕今欲依故事皇帝告廟乘輿出京并封太山禪社首赴朝覲壇並只用法駕詔可封禪儀仗使奏乞要報養象所教習象於六引之前詔更不教習詳定所又奏封禪只用法駕今再詳定皇帝出京日令諸司只排小駕儀仗共用二千一百三十八人尋詔改用鑿駕儀仗又詳定所上言東封合以兗州刺史代開封牧乾封縣令代開封縣令仍換車上勝按鹵簿令法駕鹵簿三引有開封縣令開封牧注云駕只從在所州縣刺史縣令導駕各準此儀仗從本

品詔可 封禪記是年有司言皇帝出京日欲具小駕儀仗太常寺三百二十五人兵部五百六十六人殿中省九十一人太僕寺二百九十九人六軍諸衛四百六十八人左右金吾仗各百七十六人司天監三十七人已上總二千一百三十八人詔可初有司定告廟出京泰山社首山並用法駕帝以前詔惟祀事豐潔餘從簡約乃再命詳定而用此制命宮苑使勾當皇城司鄧求遷內侍左班副都知閻承翰西京左藏庫副使趙守倫整肅隨駕禁衛仍鑄印給之 又云六月詔改鑿駕爲小駕 又云六月詳定所言皇帝告廟準典禮出乘玉輅歸乘金輅今緣奉安天書於玉輅皇帝赴太廟往來並乘金輅詔可明堂記皇祐

二年五月鹵簿使言明堂大享用法駕鹵簿準禮令法駕減大駕三分之一兵部無字圖故本又文牘散逸雖粗有名數較之禮令未能裁決詔令禮官與判兵部官同定圖本以聞後據禮官等所言法駕鹵簿凡萬有一千八十八人禮院言法駕鹵簿用穉稍六以左右金吾將軍四員各服紫繡衣抹額靴鞞纓刀自副乘路跋塵呵馬押當行事請差官充攝詔以左千牛大將軍霍斌右千牛將軍周榮押左金吾引駕仗右屯衛將軍王渙右內率府副率范貴押右金吾引駕仗 禮院例冊嘉祐二年六月十一日勅裕享禮儀使奏檢會自來南郊儀仗內金吾上將軍六統軍左右千牛並服紫繡戎服珂珮乘馬引駕前任見任節

度使並服袴褶衣導駕欲望依例施行詔可 又云是月
太常禮院奏禋享排法駕儀仗准禮令法駕減大駕三引
及大輦五副輅等又據國朝以來南郊大禮畢還內合乘
金輅緣逐次奉詔乘大輦今來排設法駕儀仗依典禮外
欲乞添用大輦準備還內乘御詔可